

鲁越 王晓东 主编

中小學生精讀

唐 詩

杜
甫
卷
八

中國人民公安大學出版社

目 录

至后	(1)
正月三日归溪上有作	(1)
弊庐遣兴，奉寄严公	(2)
春日江村五首	(2)
绝句六首	(3)
绝句四首	(4)
哭严仆射归棹	(5)
宴戎州杨使君东楼	(6)
渝州候严六侍御不到	(6)
拨闷	(7)
闻高常侍亡	(7)
宴忠州使君侄宅	(8)
禹庙	(8)
题忠州龙兴寺所居院壁	(9)
旅夜书怀	(9)
别常徵君	(10)

三絕句	(10)
十二月一日三首	(11)
又雪	(12)
奉漢中王手札	(12)
贈崔十三評事公輔	(13)
長江二首	(14)
承聞故房相公靈櫓自閩州	(15)
雲安九日，鄭十八携酒陪	(16)
答鄭十七郎一絕	(16)
將曉二首	(17)
懷錦水居止二首	(17)
子規	(18)
立春	(18)
漫成一絕	(19)
老病	(19)
南楚	(20)
寄常徵君	(20)
寄岑嘉州	(21)
移居夔州郭	(21)
船下夔州郭宿，雨濕不得上岸	(22)
雨不絕	(22)
崔評事弟許相迎不到	(23)
宿江邊閣	(23)
夜宿西閣，曉呈元二十一曹長	(24)

西阁口号	(24)
西阁雨望	(25)
不离西阁二首	(25)
西阁三度期大昌严明府同	(26)
西阁二首	(26)
阁夜	(27)
西阁夜	(27)
灋西寒望	(28)
入宅三首	(28)
赤甲	(29)
卜居	(30)
暮春题灋西新赁草屋五首	(30)
园	(31)
竖子至	(32)
示獠奴阿段	(32)
秋野五首	(33)
溪上	(34)
树间	(35)
课小竖锄斫舍北果林	(35)
寒雨朝行视园树	(36)
季秋江树	(37)
小园	(37)
白灋西荆扉且移居	(38)
茅堂检校收稻二首	(39)

東屯月夜	(39)
東屯北嶠	(40)
從驛次草堂復至東屯二首	(40)
暫往白帝復還東屯	(41)
刈稻了詠懷	(41)
上白帝城	(42)
上白帝城二首	(42)
武侯廟	(43)
八陣圖	(44)
謁先主廟	(44)
白鹽山	(45)
滄瀨堆	(46)
滄瀨	(46)
白帝	(47)
白帝城樓	(47)
曉望白帝城鹽山	(48)
白帝城最高樓	(48)
白帝樓	(49)
陪諸公上白帝城宴越公堂之作	(49)
峽隘	(50)
諸葛廟	(50)
峽口二首	(51)
天池	(51)
瞿塘兩崖	(52)

夔州歌十绝句	(52)
上卿翁请修武侯庙	(54)
偶题	(55)
秋兴八首	(56)
咏怀古迹五首	(58)
诸将五首	(60)
秋日夔府咏怀奉寄郑监	(62)
赠李八秘书别三十韵	(67)
寄刘峡州伯华使君四十韵	(69)
夔府书怀四十韵	(71)
解闷十二首	(73)
复愁十二首	(75)
承闻河北诸道节度入朝	(77)
喜闻盗贼蕃寇总退口号五首	(79)
洞房	(80)
宿昔	(80)
能画	(81)
斗鸡	(81)

至 后

冬至至后日初长，远在剑南思洛阳。
青袍白马有何意，金谷铜驼非故乡。
梅花欲开不自觉，棣萼一别永相望。
愁极本凭诗遣兴，诗成吟咏转凄凉。

正月三日归溪上有作， 简院内诸公

野外堂依竹，篱边水向城。
蚁浮仍腊味，鸥泛已春声。
药许邻人宠，书从稚子擎。
白头趋幕府，深觉负平生。

弊廬遣興，奉寄嚴公

野水平橋路，春沙映竹村。
風輕粉蝶喜，花暖蜜蜂喧。
把酒宜一作且深酌，題詩好細論。
府中瞻暇日，江上憶詞源。
迹忝一作寄朝廷舊，情依節制尊。
還思長者轍，恐避席為門。

春日江村五首

農務村村急，春流岸岸深。
乾坤萬里眼，時序百年心。
茅屋還堪賦，桃源自可尋。
艱難賤一作淺，一作昧生理，飄泊到如今。

迢遞來三蜀，蹉跎有一作又六年。
客身逢故舊，發興自林泉。

过懒从衣结，频游任履穿。

藩篱无限景一作颇无限，恣意买一作向江天。

种竹交加翠，栽桃烂漫红。

经心石镜月，到面雪山风。

赤管随王命，银章付老翁。

岂知牙齿落，名玷荐贤中。

扶病垂朱绂，归休步紫苔。

郊扉存一作在晚计，幕府愧群材。

燕外晴丝卷，鸥边水叶开。

邻家送鱼鳖，问我数能来。

群盗哀王粲，中年召贾生。

登楼初有作，前席竟为荣。

宅入先贤传，才高处士名。

异时怀二子，春日复含情。

绝句六首

日出篱东水，云生舍北泥。

竹高鳴翡翠，沙僻舞鷗一作鷗鷖。

藹藹花蕊亂，飛飛蜂蝶多。

幽栖身懶動，客至欲如何。

凿井交棕葉，舊注：交棕作井綆。

一云雨壞鹽井，以棕葉覆之。開渠斷竹根。

扁舟輕袞纜，小徑曲通村。

急雨捎溪足，斜暉轉樹腰。

隔巢黃鳥并，翻藻白魚跳。

舍下筍穿壁，庭中藤刺一作到檐。

地晴絲冉冉，江白草纖纖。

江動月移石，溪虛云傍花。

鳥栖知故道，帆過宿誰家。

絕句四首

堂西長筍別開門，塹北行椒却背村。

梅熟许同朱老吃，松高拟对阮生论。

原注：朱、阮，剑外相知。

欲作鱼梁云复一作覆湍，因惊四月雨声寒。

青溪先有蛟龙窟，竹石如山不敢安。

两个黄鹂鸣翠柳，一行白鹭上青天。

窗含西岭千秋雪，门泊东吴万里船。

原注：西山白雪，四时不消。

药条药一作菜甲润青青，色过棕亭入草亭。

苗满空山惭取誉，根居隙地怯成形。

哭严仆射归棕

素幔随流水，归舟返旧京。

老亲如一作知宿昔，部曲异平生。

风送一作逆蛟龙雨一作匣，天长骠骑营。

一哀三峡暮，遗后见君情。

宴戎州楊使君東樓

勝絕驚身老，情忘發興奇。
座從歌妓密，樂任主人為。
重碧拈一作酤，一作擊，一作拓
春一作筒酒，輕紅擘荔枝。
樓高欲愁思，橫笛未休吹。

渝州候嚴六侍御 不到，先下峽

聞道乘驄發，沙邊待至今。
不知雲雨散，虛費短長吟。
山帶烏蠻闊，江連白帝深。
船經一柱觀，留眼一作滯共登臨。

拨 闷

一作赠严二别驾

闻道云安麹米春，唐人呼酒为春。
才倾一盏即醺人。
乘舟取醉非难事，下峡消愁定几巡。
长年三老遥怜汝，枳枒开头一作鸣铙捷有神。
已办青钱防雇直，当令美味入吾唇。

闻高常侍亡

原注：忠州作。

归朝不相见，蜀使忽传亡。
虚历金华省，何殊地下郎。
致君丹槛折，哭友白云长。
独步诗名在，只令故旧伤。

宴忠州使君侄宅

出守吾家侄，殊方此日歡。
自須游阮巷一作舍，不是怕湖一作溪灘。
樂助長歌逸一作送，杯一作林饒旅思寬。
昔曾如意舞，牽率強為看。

禹 廟

此忠州臨江縣禹祠也。

禹廟空山里，秋風落日斜。
荒庭垂橘柚，古屋畫龍蛇。
雲氣生虛一作噓清壁，江聲走白沙。
早知乘四載，去聲，即乘輜等乘字義。
疏濬一作流落控三巴。

题忠州龙兴寺所居院壁

忠州三峡内，井邑聚云根。
小市常争米，孤城早闭门。
空一作岂看过客泪，莫觅主人恩。
淹泊一作薄仍愁虎，深居赖独园。

旅夜书怀

细草微风岸，危樯独夜舟。
星垂一作随平野阔，月涌大江流。
名岂文章著，官因一作应老病休。
飘飘一作零何所似，天地一作外一沙鸥。

別常徵君

兒扶猶杖策，卧病一秋強。
白髮少新洗，寒衣寬總長。
故人忧見及，此別泪相忘。
各逐萍流转，來書細作行。

三 絕 句

前一作去年渝州杀刺史，今年开州杀刺史。
群盜相隨劇虎狼，食人更肯留妻子。

二十一家同入蜀，惟殘一人出駱谷。
自說二女啗臂時，回頭却向秦云哭。

殿前兵馬雖驍雄，縱暴略與羌渾同。
聞道殺人漢水上，婦女多在官軍中。

十二月一日三首

今朝腊月春意动，云安县前江可怜。
一声何处送书雁，百丈谁家上水一作濂船。
未将梅蕊惊愁眼，
要一作更取楸一作榉花媚远天。
明光起草人所羨，肺病几时朝日边。

寒轻市上山烟碧，日满楼前江雾黄。
负盐出井此溪女，打鼓发船何郡郎。
新亭举目风景切，茂陵著书消渴长。
春花不愁不烂漫，楚客唯听棹相将。

即看燕子入山扉，岂有黄鹂历翠微。
短短桃花临水岸，轻轻柳絮点人衣。
春来准拟开怀久，老去亲知见面稀。
他日一杯难强进，重嗟筋力故出违。